



# SLUŽBENE NOVINE OPĆINE GORAŽDE

Godina VIII

30. oktobar 2015. godine  
GORAŽDE

Broj 7

1398

Na osnovu člana 13. i 15. Zakona o principima lokalne samouprave u Federaciji BiH („Sl. novine F BiH“, br. 49/06 i 51/09) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj 13/07) Općinsko vijeće Općine Goražde na 30. redovnoj sjednici, održanoj dana 29.10.2015. godine, donosi:

## ODLUKU

### o odobravanju izgradnje zgrade socijalnog stanovanja na lokalitetu Rasadnik- Goražde

#### Član 1.

Odobrava se izgradnja zgrade socijalnog stanovanja na lokalitetu Rasadnik, na parceli označenoj kao k.č. 1022/2, upisana u p.l. br. 166 KO Goražde II, na ime Općine Goražde.

#### Član 2.

Objekat iz člana 1. ove Odluke koristit će se isključivo za socijalno stanovanje lica koja ne mogu da riješe stambeno pitanje na drugi način, a odabir će se vršiti u skladu sa Odlukom o stambenom socijalnom stanovanju Općine Goražde.

#### Član 3.

Općina Goražde će sufinansirati izgradnju zgrade na način što će obezbjediti lokaciju iz člana 1. ove Odluke, te će platiti pripadajuće rente i finansirati priključenje objekta na potrebnu infrastrukturu.

#### Član 4.

Građevinski radovi će se finansirati iz donatorskih sredstava, po projektu Regionalnog stambenog programa.

#### Član 5.

Ovlašćuje se Načelnik Općine da zaključi ugovor sa donatorom o sufinansiranju izgradnje predmetne zgrade, kojim će se regulisati prava i obaveze ugovornih strana.

#### Član 6.

Ovaj Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-4245

Goražde, 29.10.2015. godine

**PREDSJEDAVALA VIJEĆA**

Jelena Mirković

1399

Na osnovu čl. 13. i 35. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09), čl. 18. i 84. Statuta Općine Goražde („Službene novine Bosansko-podrinjskog kantona Goražde“, br. 13/07) i u skladu sa Sporazumom o kreditu sa Razvojnomo bankom Vijeća Evrope (L/D 1789 (2013), Općinsko vijeće Općine Goražde, na 30. redovnoj sjednici, održanoj 29.10.2015. godine, donijelo je:

## ODLUKU

### O STAMBENOM ZBRINJAVANJU POVRATNIKA PO OSNOVU SPORAZUMA O READMISIJI KROZ IMPLEMENTACIJU PROJEKTA “INTEGRIRANI PROGRAM PODRŠKE ZA REINTEGRACIJU POVRATNIKA PO OSNOVU SPORAZUMA O READMISIJI”

#### Član 1.

#### (Predmet Odluke)

Ovom Odlukom uređuje se postupak osiguranja stambenog zbrinjavanja povratnika po osnovu Sporazuma o readmisiji i socijalno ugroženih domaćinstava koja nisu u mogućnosti riješiti svoje stambeno pitanje po tržišnim uslovima, uređuju pitanja upravljanja, raspolaganja i korištenja tog stambenog fonda u okviru Projekta “Integrirani program podrške za reintegraciju povratnika po osnovu Sporazuma o readmisiji”.

**Član 2.****(Stambene jedinice na koje se Odluka primjenjuje)**

1) Stambeni fond socijalnog stanovanja Općine Goražde, na koji se primjenjuju odredbe ove Odluke, čine stambene jedinice koje su u vlasništvu lokalne samouprave, što u naravi predstavlja 5 (pet) sljedećih stambenih jedinica:

- Stan u Ulici I. drinske brigade broj 19/II – jednosoban, površine 32 m<sup>2</sup>
- Stan u Ulici I. drinske brigade broj 19/II – jednosoban, površine 32 m<sup>2</sup>
- Stan u Ulici Mevsuda Bajića Bajce broj 31/I – garsonjera površine 21 m<sup>2</sup>
- Stan u Ulici Čajnička bb – prizemlje – jednosoban stan površine 54,50 m<sup>2</sup>
- stan u Ulici Čajnička bb – prizemlje – jednosoban stan površine 40,00 m<sup>2</sup>
- kao i drugi stanovi koji se pribave za ovu namjenu po bilo kom osnovu.

2) Stambene jedinice iz prethodnog stava, a Projektom “Integrirani program podrške za reintegraciju povratnika po osnovu Sporazuma o readmisiji”, planirane za korištenje uz primjenu principa socijalnog stanovanja, će biti dio stambenog fonda socijalnog stanovanja Općine Goražde iz čl. 3. stav 1) Odluke o neprofitno-socijalnom stanovanju („Službene novine Općine Goražde“, br. 10/13), (u daljem tekstu: Odluka o socijalnom stambenom fondu Općine).

**Član 3.****(Korisnici)**

- 1) Korisnici prava na stambeno zbrinjavanje, u skladu sa ovom Odlukom, su:
  - a) Državljeni BiH, povratnici u BiH po osnovu Sporazuma o readmisiji i
  - b) socijalno ugrožena domaćinstva.
- 2) Lica iz prethodnog stava ostvaruju pravo na stambeno zbrinjavanje principom dobrovoljnosti i prihvatanjem uslova korištenja stambenih jedinica u skladu sa ovom Odlukom.

**Član 4.****(Izvori finansiranja)**

Sredstva za obezbjeđenje Stambenog fonda socijalnog stanovanja Općine Goražde obezbjeđuju se iz sredstava Projekta, u skladu s Ugovorom o udruživanju resursa, uslovima i načinu korištenja stanova u okviru Projekta i vlastitog učešća Općine.

Ministarstvo za ljudska prava i izbjeglice Bosne i Hercegovine će iz budžeta Projekta, a u skladu sa Odlukom Ministarstva za ljudska prava i izbjeglice Bosne i Hercegovine o raspodjeli sredstava iz Projekta za nužne potrebe državljana Bosne i Hercegovine, koji se vraćaju u Bosnu i Hercegovinu po osnovu Sporazuma o readmisiji, osigurati sredstva za nužne

potrebe državljana Bosne i Hercegovine koji se vraćaju u Bosnu i Hercegovinu po osnovu Sporazuma o readmisiji.

**Član 5.****(Modeli stambenog zbrinjavanja)**

Stambeno zbrinjavanje, u skladu sa ovom Odlukom, vrši se primjenom jednog od sljedećih modela:

- dodjelom stambene jedinice u zakup po modelu socijalnog stanovanja u zaštićenim uslovima na određeno vrijeme, a u maksimalnom trajanju od 6 mjeseci za lica iz člana 3. stav 1. tačka a),
- dodjelom stambene jedinice u zakup na određeno vrijeme za lica iz člana 3. stav 1. tačka b).

**Član 6.****(Tehnički standardi stambenih jedinica)**

1) Tehnički standardi koje sve stambene jedinice iz člana 3. ove Odluke moraju zadovoljavati i veličina stambene jedinice koja se dodjeljuje u odnosu na broj članova porodičnog domaćinstva, u skladu su s važećim “Standardima za obnovu i izgradnju stambenih jedinica i objekata u svrhu zbrinjavanja povratnika” Ministarstva za ljudska prava i izbjeglice Bosne i Hercegovine.

2) Izuzetno, u odnosu na broj članova porodičnog domaćinstva, stambena jedinica koja se dodjeljuje za potrebe socijalnog stambenog zbrinjavanja može biti manja od utvrđene aktom iz prethodnog stava ovog člana, ako se radi o stambenom zbrinjavanju uz pismeni pristanak korisnika.

**Član 7.****(Kriteriji za stambeno zbrinjavanje državljana BiH koji se vraćaju u BiH po osnovu Sporazuma o readmisiji)**

- 1) Kriteriji za ostvarivanje prava na neprofitno-socijalno stambeno zbrinjavanje na osnovu kojih se utvrđuje podobnost potencijalnih korisnika za dodjelu stambene jedinice su:
  - potencijalni korisnik pripada kategoriji povratnika po osnovu Sporazuma o readmisiji;
  - potencijalni korisnik nema uslovnu stambenu jedinicu na teritoriji BiH;
  - potencijalni korisnik prihvata rješenje svog stambenog statusa putem socijalnog stambenog zbrinjavanja.
- 2) Kriteriji iz prethodnog stava su eliminatorni i primjenjuju se u implementaciji predmetnog Projekta.

**Član 8.**  
**(Kriteriji za stambeno zbrinjavanje ugroženih  
domaćinstava)**

1) Kriteriji za ostvarivanje prava na neprofitno-socijalno stambeno zbrinjavanje, na osnovu kojih se vrši odabir i utvrđuje lista korisnika iz člana 3. stav 1. tačka b) su:

- boravak na teritoriji Općine,
- neposjedovanje uslovne stambene jedinice na teritoriji BiH,
- socijalni status,
- pripadnost ranjivim grupama (osobe s invaliditetom, samohrani roditelji, porodice pognulih boraca, porodice nestalih i bivši logoraši).

2) Pitanja koja se odnose na utvrđivanje kriterija iz prethodnog stava, njihovo bodovanje i utvrđivanje rang- liste prioriteta za davanje u zakup stambene jedinice, kao i utvrđivanje posebnih kategorija potencijalnih korisnika stambenog zbrinjavanja u skladu s potrebama lokalne zajednice, uređuje se posebnom odlukom koju donosi Općinsko vijeće Općine Goražde, na prijedlog Načelnika.

**Član 9.**  
**(Davanje u zakup stambenih jedinica)**

1) Davanje u zakup stambenih jedinica iz člana 2. stav 1. ove Odluke za korisnike iz člana 3. stav 1. tačka a) ove Odluke vrši se u skladu sa članom 7. ove Odluke, a u koordinaciji Ministarstva za ljudska prava i izbjeglice BiH i Federalnog ministarstva za raseljena lica i izbjeglice.

2) Davanje u zakup stambenih jedinica iz člana 2. stav 1. ove Odluke za korisnike iz člana 3. stav 1. tačka b) ove Odluke vrši se uz saglasnost Općine i Ministarstva za ljudska prava i izbjeglice BiH.

3) Postupak za davanje u zakup stambene jedinice pokreće organ lokalne uprave na osnovu zahtjeva nadležne općinske službe. Lokalna uprava je, prije pokretanja postupka davanja u zakup stambene jedinice, obavezna organizovati komisiju za odabir korisnika, koja će provesti postupak izbora korisnika, a u skladu s dokumentom iz člana 8. stav 2. Lokalna uprava je obavezna informisati Ministarstvo za ljudska prava i izbjeglice o provedenom postupku. Useljavanje korisnika obaviti će se nakon pribavljanja saglasnosti Ministarstva za ljudska prava i izbjeglice BiH o pravu korištenja stambene jedinice za potrebe korisnika iz člana 3. stav 1. tačka b).

**Član 10.**  
**(Zahtjev i dokumentacija za davanje u zakup  
stambene jedinice za socijalno ugrožena  
domaćinstva)**

1) Davanje u zakup stambene jedinice vrši se na osnovu zahtjeva nadležne općinske službe u pismenoj formi.

2) Uz zahtjev iz prethodnog stava prilaže se dokumentacija kojom se dokazuje ispunjavanje kriterija iz člana 8. ove Odluke.

3) Dokumentacija o kojoj nadležna tijela uprave vode službenu evidenciju pribavlja se službenim putem od strane nadležne općinske službe.

**Član 11.**  
**(Komisije za odabir korisnika)**

1) Odabir korisnika iz člana 3. stav 1. tačka b) vrši Komisija za odabir korisnika koju imenuje Načelnik Općine.

2) Komisija za odabir korisnika zaprima zahtjeve iz člana 10. ove Odluke, provjerava ispunjavanje kriterija iz člana 8. ove Odluke, vrši bodovanje i utvrđuje prijedlog rang-liste prioriteta.

3) Rang- lista prioriteta dostavlja se Načelniku Općine na konačno odobravanje, prije pribavljanja saglasnosti od strane Ministarstva za ljudska prava i izbjeglice BiH.

4) Načelnik će odobrenu rang- listu na saglasnost prosljediti Ministarstvu za ljudska prava i izbjeglice BiH. Nakon pribavljanja saglasnosti od strane nadležnog Ministarstva BiH, Načelnik donosi Odluku o davanju u zakup stambene jedinice na korištenje pod zakup na određeno vrijeme.

**Član 12.**  
**(Upoznavanje korisnika sa uslovima korištenja  
stambenih jedinica)**

1) Svaki potencijalni korisnik iz člana 3. stav 1. tačka b) prije potpisivanja Ugovora o zakupu bit će upoznat o uslovima korištenja stambene jedinice, što podrazumijeva:

- Ugovor o zakupu je moguće zaključiti na period do tri mjeseca, uz mogućnost produžavanja istog;
- u slučaju ukazane potrebe za korištenjem stanova od strane readmisiranih povratnika, Općina je dužna predmetnu stambenu jedinicu staviti na raspolaganje istim u roku od 7 dana.
- u slučaju potrebe za korištenjem stanova od strane readamisiranih povratnika, Općina je dužna trenutnom zakupcu obezbjediti stambeni smještaj na period na koji je Ugovor o zakupu sklopljen.

**Član 13.**  
**(Upravljanje i održavanje stambenih jedinica)**

1) Upravljanje socijalnim stambenim fondom podrazumijeva aktivnosti usmjerene na osiguranje bezbjednog i neometanog korištenja stambenih jedinica i očuvanje njihove upotrebne i tržišne vrijednosti, a što obuhvata brigu o tekućem i investicionom održavanju, administriranju i zaštiti stambenih jedinica od

nezakonitog i nedozvoljenog korištenja, te preduzimanje drugih mjera u cilju domaćinskog upravljanja stambenim fondom.

2) Poslove upravljanja stambenim fondom, u ime Općine, vrši Načelnik putem općinske službe nadležne za stambene poslove.

#### **Član 14.**

##### **(Finansiranje upravljanja i održavanja stambenog fonda)**

1) Sredstva za redovno i investiciono održavanje, kao i hitne intervencije, obezbjeđuju se iz sredstava Projekta, u skladu sa Ugovorom o udruživanju resursa, uslovima i načinu korištenja stanova u okviru Projekta „Integrirani program podrške za reintegraciju povratnika, po osnovu Sporazuma o readmisiji“ i iz prikupljene zakupnine.

2) Sredstva se raspoređuju prema planu održavanja stambenih jedinica iz ove Odluke, koji periodično donosi nadležna općinska služba za stambene poslove, a odlukom odobrava Općinsko vijeće.

3) Načelnik će, na osnovu naloga Općinskog vijeća, otvoriti poseban račun kojim će raspolagati općinska služba nadležna za stambene poslove.

4) O pitanjima upravljanja i održavanja stambenog fonda, uključujući utrošak sredstava za održavanje, nadležna općinska služba za stambene poslove podnosi godišnji izvještaj Načelniku Općine.

#### **Član 15.**

##### **(Ugovor o zakupu za povratnike, po osnovu Sporazuma o readmisiji)**

1) Načelnik Općine zaključuje Ugovor o zakupu stambene jedinice u roku od 48 sati od useljenja u predmetnu stambenu jedinicu.

2) Ugovor o zakupu stambene jedinice može se zaključiti na period najduže od 6 mjeseci, bez mogućnosti produženja.

3) Po isteku 6 mjeseci, ukoliko nadležni Centar za socijalni rad utvrdi da pripadaju socijalno ugroženim domaćinstvima, Načelnik Općine će putem nadležne općinske službe dostaviti na razmatranje prijedlog Komisiji za odabir korisnika iz člana 11. ove Odluke.

4) Na osnovu Odluke o davanju u zakup stambene jedinice za socijalno ugrožena domaćinstva, Načelnik Općine sa zakupcem zaključuje Ugovor o zakupu stambene jedinice, u roku od 30 dana od dana donošenja Odluke.

5) Ugovor o zakupu stambene jedinice može se zaključiti na period do tri mjeseca, uz mogućnost produženja, u skladu s modelom stambenog zbrinjavanja, koji je utvrđen u okviru ovog Projekta.

#### **Član 16.**

##### **(Prestanak prava zakupa po osnovu izmjene statusa)**

1) Prestanak prava zakupa za korisnike iz člana 3. stav 1. ove Odluke nastupa nakon isteka ograničenog perioda korištenja.

2) Ukoliko tokom trajanja zakupa dođe do izmjene ličnog statusa zakupca s posljedicom da zakupac više ne ispunjava uslove koji se odnose na kriterije, način i postupak dodjele koji su definisani ovom Odlukom, zakupodavac će raskinuti Ugovor o zakupu, uz otkazni rok od 30 (trideset) kalendarskih dana, računajući od dana uredne dostave otkaza.

3) Po saznanju za postojanje razloga za raskid Ugovora o zakupu na osnovu razloga iz prethodnog stava, zakupodavac će u roku od 30 (trideset) dana provjeriti i utvrditi postojanje navedenih indicija i donijeti Odluku o raskidu Ugovora o zakupu.

4) Provjeru i utvrđivanje postojanja indicija za raskid Ugovora vrši služba nadležna za stambene poslove, a Odluku o raskidu Ugovora o zakupu iz stava 2) ovog člana donosi Načelnik Općine.

#### **Član 17.**

##### **(Prestanak Ugovora o zakupu)**

1) Ugovor o zakupu za korisnike iz člana 3. stav 1. tačka a) ove Odluke prestaje protekom roka od 6 mjeseci, a obavijest o prestanku zakupa se sačinjava 30 dana prije isteka Ugovora.

2) Ugovor o zakupu prestaje i:

- ako zakupac, odnosno član njegovog zajedničkog domaćinstva stekne pravo svojine, odnosno pravo zakupa na drugoj stambenoj jedinici;
- ako zakupac ne koristi stambenu jedinicu koja je predmet zakupa isključivo za redovno stanovanje u periodu dužem od 60 (šezdeset) dana, bez obavještenja zakupodavca;
- ako zakupac iz člana 3. ove Odluke ne plaća zakupninu, u skladu sa Ugovorom o zakupu;
- ako se naknadno utvrdi da je zakupac dao netačne ili prečutao podatke od značaja za utvrđivanje ispunjenosti uslova za ostvarivanje prava na stambeno zbrinjavanje;
- ako dođe do promjena u imovinskom statusu zakupca (povećanje visine prihoda i slično);
- ako zakupac krši kućni red na način da drugim stanarima onemogućava normalno

korištenje stambenih jedinica, što se dokumentuje izvještajima nadležne policijske uprave;

- ako zakupac bez validnog objašnjenja prestane da ispunjava druge uslove i odredbe utvrđene Ugovorom o zakupu i ovom Odlukom.

3) Odluku o raskidu Ugovora o zakupu donosi Načelnik Općine, na osnovu postupka provedenog od strane službe nadležne za stambene poslove.

4) Zakupac je dužan da u roku od 15 dana, od dana prijema Odluke o raskidu Ugovora o zakupu, oslobodi stambenu jedinicu od stvari i lica.

#### **Član 18. (Visina zakupnine)**

1) Za korišćenje stambene jedinice iz Ugovora o zakupu, utvrđuje se i plaća zakupnina koja se koristi u svrhu održivog upravljanja stambenim fondom sa učešćem pojedinih dijelova zakupnine definisanih posebnim odlukama o implementaciji specifičnih projekata stambenog zbrinjavanja.

2) Zakupnina se formira na osnovu argumentirano procijenjenih troškova za pojedine dijelove zakupnine, u svrhu neprofitnog održavanja i upravljanja namjenskim stambenim fondom.

3) Visina zakupnine utvrđuje se u skladu sa odredbama Zakona o zakupu stana u BPK-a Goražde i podzakonskim aktima, uz umanjenje ovako utvrđenog iznosa zakupnine za 30%.

4) Ako se zbog izmjene tržišnih uslova za određivanje zakupnine promijeni njen iznos, zakupac je dužan da plaća promijenjeni iznos zakupnine, uz obavezno potpisivanje odgovarajućeg aneksa ugovora, a na osnovu Odluke Općinskog vijeća Općine.

#### **Član 19. (Subvencioniranje zakupnine za ugrožena domaćinstva )**

1) Troškovi zakupnine za ugrožena domaćinstva mogu se subvencionirati, a visina subvencije se određuje u zavisnosti od visine prihoda članova zajedničkog domaćinstva zakupca, veličine stambene jedinice i visine troškova održavanja stambene jedinice i zajedničkih dijelova stambenog objekta.

2) Postupak za ostvarivanje subvencioniranja zakupnine pokreće zakupac podnošenjem zahtjeva nadležnom organu, uz dostavljanje dokaza potrebnih za ostvarivanje ovog prava, odmah po objavi donošenja Odluke o dodjeli stambene jedinice, ili najkasnije nakon što počne teći ugovorni odnos, a jave se okolnosti koje mogu biti osnov za subvencioniranje zakupnine.

#### **Član 20. (Izvori finansiranja subvencioniranja)**

1) Sredstva za subvencioniranje zakupnine i drugih troškova stanovanja se uplaćuju na poseban račun, a mogu se obezbjeđivati iz: sredstava Projekta, budžeta Općine, budžeta institucija svih nivoa vlasti koje su nadležne za pitanja socijalno ugroženih kategorija, na osnovu posebnih sporazuma Općine sa zainteresovanim akterima, te putem donacija i drugih izvora, u skladu sa važećim propisima.

2) U postupku obezbjeđenja subvencije u skladu sa čl. 25. stav 1. ove Odluke, Općina je dužna da blagovremeno, u ime zakupca, obavlja korespondenciju sa nadležnim institucijama koje trebaju ili mogu biti nosioci obezbjeđenja subvencije, radi ostvarivanja prava na subvenciju, u skladu sa Odlukom nadležne općinske službe.

#### **Član 21. (Evidencija Ugovora o zakupu)**

1) Načelnik putem nadležne općinske službe vodi posebnu evidenciju o zaključenim ugovorima o zakupu, sa eventualnim detaljima o subvencijama.

2) Kroz implementaciju Projekta u Općini instalirat će se softver za vođenje evidencije o korištenju i upravljanju stambenim jedinicima iz člana 3. stav 1. Odgovorne osobe, imenovane od strane Načelnika, će biti obučene za korištenje softvera. Pristup softveru, u cilju efikasnog praćenja, bit će omogućen MLJPI i FMROI / MIRLRS.

#### **Član 22. (Vlasništvo, zabrana otkupa i druga ograničenja)**

1) Stambene jedinice iz člana 2. ove Odluke u vlasništvu su Općine Goražde.

2) Stambene jedinice iz prethodnog stava ne mogu se otkupljivati, nasljeđivati, davati u podzakup i otuđivati.

3) Načelnik Općine će osigurati pravo vlasništva iz stava 1) i ograničenja iz stava 2) ovog člana kroz odgovarajuće upise u zemljišnim knjigama Zemljišno-knjižno ureda Općinskog suda u Goraždu .

#### **Član 23. (Nadzor i monitoring)**

1) Nadzor nad provođenjem ove Odluke vrši Načelnik Općine.

2) Općina je dužna dostavljati Ministarstvu za ljudska prava i izbjeglice BiH i godišnje izvještaje o korisnicima i poslovnim efektima pri upravljanju Stambenim fondom osnovanim u svrhu socijalnog stambenog zbrinjavanja, a u svrhu blagovremenog informisanja, i u saradnji sa nadležnom službom Općine koja upravlja stanovima, obezbijediti tražene podatke i informacije ili pristup istim.

#### **Član 24. (Obaveza upisa u Registar nekretnina)**

1) Evidencija stambenih jedinica iz člana 2. ove Odluke u Registru nekretnina Općine vrši se u skladu sa članom 30. Odluke o socijalnom Stambenom fondu Općine, važećim zakonskim propisima i odlukama Općine.

**Član 25.**  
**(Socijalno uključivanje i integracija korisnika)**

1) Nadležne službe Općine osigurat će korisnicima iz člana 3. ove Odluke pristup socijalnim i drugim pravima pod najpovoljnijim uvjetima kao građanima, u skladu sa važećim propisima.

2) S ciljem podrške socijalnoj uključenosti i održivoj integraciji korisnika, nadležne službe Općine će blagovremeno informisati korisnike o uslovima i postupku za ostvarivanje socijalnih, ekonomskih i drugih prava, pružati pomoć u obezbjeđenju relevantne dokumentacije, uključujući besplatnu pravnu pomoć, te prikupljanje dokumenata ex officio, kad god je to moguće, i vršiti komunikaciju sa institucijama koje su nadležne za pitanja socijalno ugroženih kategorija.

**Član 19.**  
**(Zabrana diskriminacije)**

1) Korisnici iz člana 3. ove Odluke neće biti izloženi diskriminaciji po osnovu rasne pripadnosti, vjeroispovijesti, etničkog, nacionalnog ili socijalnog porijekla, povezanosti sa nacionalnom manjinom, političkog ili drugog mišljenja, naročito ne po osnovu činjenice raseljenja ili po bilo kom drugom osnovu.

**Član 20.**  
**(Izmjene i dopune Odluke)**

1) Izmjene i dopune ove Odluke vrše se po postupku i na način njenog donošenja.

**Član 21.**  
**(Stupanje na snagu)**

1) Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-4246  
Goražde, 29.10.2015. godine  
**PREDSJEDAVAJUĆA VIJEĆA**  
Jelena Mirković

**1400**

Na osnovu člana 18. i 84. Statuta Općine Goražde („Službene novine Bosansko- podrinjskog kantona Goražde“, broj: 13/07) i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupka dodjele kredita za podsticanje zapošljavanja („Službene novine Bosansko- podrinjskog kantona Goražde“, broj: 02/00), Općinsko vijeće Općine Goražde na svojoj **30.** redovnoj sjednici, održanoj dana **29.10.2015.** godine, donosi

**ODLUKU**  
**o izmjeni i dopuni Programa utroška novčanih sredstava prikupljenih prodajom poslovnih prostorija u vlasništvu Općine Goražde**

**Član 1.**

U Programu utroška novčanih sredstava prikupljenih prodajom poslovnih prostorija u vlasništvu Općine Goražde, u poglavlju III – Kreditiranje programa za stimulisanje novog zapošljavanja na području Općine Goražde, mijenja se i glasi:

-U podtački d) – Metodologija, u drugom pasusu – Garancije, iste podtačke, dodaje se

**tačka 4.** koja glasi: „Ugovor o osiguranju kredita zaključen sa osiguravajućim društvima, kao i druga sredstva obezbjeđenja povrata kreditnih sredstava koje banke koriste u svom poslovanju.

Dosadašnja tačka 4. postaje tačka 5.

**Član 2.**

U Programu utroška novčanih sredstava prikupljenih prodajom poslovnih prostorija u vlasništvu Općine Goražde, u poglavlju III – Kreditiranje programa za stimulisanje novog zapošljavanja na području Općine Goražde, dodaju se riječi:

- **U podtački a)** – Učinak – iza riječi: „stvaranje novih“ dodaju se riječi: „i održavanje postojećih radnih mjesta“.

- **U podtački b)** – Procjena operativnog okruženja – iza riječi: „otvaranje novih radnih mjesta“ dodaju se riječi: „ili održavanje postojećih radnih mjesta“.

- **U podtački c)** – Klijenti – iza riječi: „obezbjediti nova radna mjesta“ dodaju se riječi: „ili obezbjediti održavanje postojećih radnih mjesta“.

**Član 3.**

Ovlašćuje se Komisija za statutarna pitanja i propise da uradi prečišćeni tekst Programa utroška novčanih sredstava prikupljenih prodajom poslovnih prostorija u vlasništvu Općine Goražde, a isti će se objaviti u „Službenim novinama Općine Goražde“.

**Član 4.**

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-4247  
Goražde, 29.10.2015. godine  
**PREDSJEDAVAJUĆA VIJEĆA**  
Jelena Mirković

**1401**

Na osnovu člana 12. i 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. i 84. Statuta Općine Goražde («Službene novine BPK Goražde», br. 13/07), Općinsko vijeće Općine Goražde na **30.** redovnoj sjednici, održanoj dana **29.10.2015.** godine, donosi

**RJEŠENJE**

**O RAZRJEŠENJU PREDSJEDNIKA  
UPRAVNOG ODBORA JU DOM ZDRAVLJA  
«DR. ISAK SAMOKOVLJA» GORAŽDE**

**I**

**EMIRA DJANA** se razrješava dužnosti predsjednika Upravnog odbora Javne ustanove Dom zdravlja «Dr. Isak Samokovlija» Goražde, na lični zahtjev.

**II**

Ovo Rješenje stupa na snagu danom donošenja, a objavit će se u „Službenim novinama Općine Goražde“.

Broj: 01-05-1-4252/15

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1402**

Na osnovu člana 12. i 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. i 84. Statuta Općine Goražde («Službene novine BPK Goražde», br. 13/07), u postupku imenovanja na poziciju predsjednika i člana Upravnog odbora JU Dom zdravlja «Dr. Isak Samokovlija» Goražde, a nakon provedene procedure izbora kandidata, utvrđivanja rang- liste i pisane preporuke, Općinsko vijeće Općine Goražde na **30.** redovnoj sjednici, održanoj dana **29.10.2015.** godine, donosi

**RJEŠENJE**

**O KONAČNOM IMENOVANJU  
PREDSJEDNIKA UPRAVNOG ODBORA JU  
DOM ZDRAVLJA «DR. ISAK SAMOKOVLJA»  
GORAŽDE**

**I**

Za predsjednika Upravnog odbora Javne ustanove Dom zdravlja «Dr. Isak Samokovlija» Goražde imenuje se **SEAD DŽABIJA**- predstavnik iz reda osnivača.

**II**

Imenovani predsjednik Upravnog odbora iz tačke I ovog Rješenja za svoj rad i angažovanje u radu Upravnog odbora ima pravo na naknadu, koja je utvrđena posebnim aktom Javne ustanove.

**III**

Mandat predsjednika Upravnog odbora traje do isteka mandata aktuelnog saziva Upravnog odbora tj. do 11.04.2017. godine.

**IV**

Ovo Rješenje stupa na snagu danom donošenja, a objavit će se u "Službenim novinama Općine Goražde".

**V**

Protiv ovog Rješenja može uputiti prigovor bilo koji član javnosti.

Prigovor se podnosi odgovornom javnom službeniku - općinskom Načelniku, a kopija prigovora-Ombudsmenu za ljudska prava Federacije BiH.

Broj: 01-05-1-4250/15

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1403**

Na osnovu člana 12. i 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. i 84. Statuta Općine Goražde («Službene novine BPK Goražde», br. 13/07), Općinsko vijeće Općine Goražde na **30.** redovnoj sjednici, održanoj dana **29.10.2015.** godine, donosi

**RJEŠENJE**

**O RAZRJEŠENJU ČLANA UPRAVNOG  
ODBORA JU DOM ZDRAVLJA «DR. ISAK  
SAMOKOVLJA» GORAŽDE**

**I**

**FAHRUDIN FORTO** se razrješava dužnosti člana Upravnog odbora Javne ustanove Dom zdravlja «Dr. Isak Samokovlija» Goražde, na lični zahtjev.

**II**

Ovo Rješenje stupa na snagu danom donošenja, a objavit će se u "Službenim novinama Općine Goražde".

Broj: 01-05-1-4253/15

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1404**

Na osnovu člana 12. i 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 18. i 84. Statuta Općine Goražde («Službene novine BPK Goražde», br. 13/07), u postupku imenovanja na poziciju predsjednika i člana Upravnog odbora JU Dom zdravlja «Dr. Isak Samokovlija» Goražde, a nakon provedene procedure izbora kandidata, utvrđivanja rang- liste i pisane preporuke, Općinsko vijeće Općine Goražde na **30. redovnoj sjednici, održanoj dana 29.10.2015.godine, donosi**

**RJEŠENJE****O KONAČNOM IMENOVANJU ČLANA UPRAVNOG ODBORA JU DOM ZDRAVLJA «DR. ISAK SAMOKOVLJA» GORAŽDE****I**

Za člana Upravnog odbora Javne ustanove Dom zdravlja «Dr. Isak Samokovlija» Goražde imenuje se **IRFAD BABIĆ**- predstavnik iz reda Ministarstva.

**II**

Imenovani član Upravnog odbora iz tačke I ovoga Rješenja za svoj rad i angažovanje u radu Upravnog odbora ima pravo na naknadu, koja je utvrđena posebnim aktom Javne ustanove.

**III**

Mandat člana Upravnog odbora traje do isteka mandata aktuelnog saziva Upravnog odbora tj. do 11.04.2017. godine.

**IV**

Ovo Rješenje stupa na snagu danom donošenja, a objavit će se u "Službenim novinama Općine Goražde".

**V**

Protiv ovog Rješenja može uputiti prigovor bilo koji član javnosti.

Prigovor se podnosi odgovornom javnom službeniku - općinskom Načelniku, a kopija prigovora - Ombudsmenu za ljudska prava Federacije BiH.

Broj: 01-05-1-4251/15

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1405**

Na osnovu člana 25. Zakona o građevinskom zemljištu ("Službene novine F BiH" br. 25/03) i člana 18. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07) i zahtjeva Šehović Almase iz Goražda, Općinsko vijeće

Goražde na **30. redovnoj sjednici, održanoj dana 29.10.2015.godine, donosi**:

**ZAKLJUČAK****Član 1.**

ODBIJA SE ponuda Šehović Almase iz Goražda za preuzimanje neizgrađenog gradskog građevinskog zemljišta u katastarskom operatu označenog kao k.č. 2279, u površini od 846 m<sup>2</sup>, koje je upisano u p.l. br. 1330 KO Goražde I, pošto ne postoji interes Općine Goražde da koristi prvenstveno pravo, obzirom da na predmetnom zemljištu nije predviđena nikakva gradnja, niti slični zahtvati u prostoru.

**Član 2.**

Podnosilac zahtjeva ne može izvršiti otuđenje građevinskog zemljišta iz člana 1. ovog Zaključka ispod cijene od 30,00 KM po 1 m<sup>2</sup>, što ukupno iznosi 25.380,00 KM za površinu od 846 m<sup>2</sup>, o čemu će se starati Porezna uprava - Kantonalni ured Goražde – Ispostava Goražde, kao mjesno nadležni organ.

**Član 3.**

Zadužuje se Služba za geodetske, imovinsko-pravne poslove i katastar nekretnina da ovaj Zaključak dostavi nadležnom organu iz člana 2. ovog Zaključka.

**Član 4.**

Ovaj Zaključak stupa na snagu narednog dana od dana donošenja.

Broj: 01-05-1-4254

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1406**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj redovnoj sjednici, održanoj dana 29.10.2015. godine, donosi**:

**ZAKLJUČAK**

1. Usvaja se Izvještaj o realizaciji zaključaka sa prethodne 29. redovne sjednice.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4256

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković



1407

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### Z A K L J U Č A K

1. Ne usvaja se Rješenje o odbijanju zahtjeva Hošo Hasa iz Goražda, za povrat zemljišta državne svojine, radi dokompletiranja parcele.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4255

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

1408

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **30.** redovnoj sjednici, održanoj dana **29.10.2015.** godine, **d o n o s i:**

### Z A K L J U Č A K

1. Utvrđuje se Nacrt Odluke o visini komunalnih taksi.
2. Nacrt Odluke o visini komunalnih taksi može poslužiti kao osnova za izradu Prijedloga odluke o visini komunalnih taksi, sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Odluke o visini komunalnih taksi upućuje se na javnu raspravu, koja će se organizovati i provesti na nivou dvije centralne javne rasprave.
4. Javnu raspravu provest će Komisija za budžet, finansije i administrativna pitanja, uz saradnju Službe za finansije, trezor i privredu.
5. O rezultatima javne rasprave Komisija za budžet, finansije i administrativna pitanja podnijet će izvještaj Općinskom vijeću, sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 60 dana.
7. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4257

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

1409

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **30.** redovnoj sjednici održanoj dana **29.10.2015.** godine, **d o n o s i:**

### Z A K L J U Č A K

1. Utvrđuje se Nacrt Odluke o građevinskom zemljištu Općine Goražde.
2. Nacrt Odluke o građevinskom zemljištu Općine Goražde može poslužiti kao osnova za izradu prijedloga odluke o građevinskom zemljištu Općine Goražde sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Odluke o građevinskom zemljištu Općine Goražde upućuje se na javnu raspravu koja će se organizovati i provesti na nivou dvije centralne javne rasprave.
4. Javnu raspravu provešće Komisija za urbanizam, prostorno uređenje, stambeno komunalnu politiku, infrastrukturu i zaštitu okoline uz saradnju Službe za geodetske, imovinsko pravne poslove i katastar nekretnina.
5. O rezultatima javne rasprave Komisija za urbanizam, prostorno uređenje, stambeno komunalnu politiku, infrastrukturu i zaštitu okoline podnijeće izvještaj Općinskom vijeću sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 60 dana.
7. Zaključak stupa na snagu danom donošenja, a biće objavljen u „Službenim novinama Općine Goražde“.

Broj: 01-05-1-4258

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

1410

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### Z A K L J U Č A K

1. Na prijedlog podnosioca propisa, odlaže se donošenje Prijedloga odluke o davanju saglasnosti za prodaju nekretnine (saglasnost JU Dom zdravlja za prodaju elektroenergetskog objekta-transformatorske stanice), u skladu sa članom 146. stav 6. Poslovnika Općinskog vijeća Općine Goražde.

2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4259

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1411**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### **Z A K L J U Č A K**

1. Usvaja se Izvještaj neovisnog ovlaštenog revizora o reviziji finansijskih izvještaja za 2014. godinu za Javnu ustanovu za predškolski odgoj i obrazovanje Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4260

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1412**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### **Z A K L J U Č A K**

1. Usvaja se Izvještaj o radu za 2014. godinu i Program rada za 2015. godinu JP Sportsko-kulturno-privredni centar d.o.o.Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4261

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1413**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### **Z A K L J U Č A K**

1. Informacija o stanju korištenja i naplate za javne površine prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4262

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1413**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetoj** redovnoj sjednici, održanoj dana **29.10.2015.** godine, **d o n o s i:**

### **Z A K L J U Č A K**

1. Informacija o stanju poljoprivrede na području Općine Goražde, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4263

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1414**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetj** redovnoj sjednici, održanoj dana **29.10.2015.** godine, **d o n o s i:**

**Z A K L J U Č A K**

1. Usvaja se Izvještaj o radu za 2014. godinu i Program rada za 2015. godinu JP Veterinarska stanica Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4264

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1415**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetj** redovnoj sjednici, održanoj dana **29.10.2015.** godine, **d o n o s i:**

**Z A K L J U Č A K**

1. Zadužuje se Načelnik Općine, nadležna općinska služba i Općinski pravobranilac da preduzmu sve mjere i radnje koje su potrebne kako bi se riješio problem vlasničke strukture kapitala u JP Veterinarska stanica.
2. Ukoliko je to potrebno, Načelnik Općine i nadležna služba predložit će Vijeću Odluku u smislu postupanja po nalazima neovisnog ovlaštenog revizora, koji je izvršio reviziju u JP Veterinarska stanica i konstatovao da u ovom javnom preduzeću ima privatnog kapitala.
3. Rok za realizaciju ovog Zaključka je do 60 dana.
4. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4265

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1416**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde

na **tridesetj** redovnoj sjednici, održanoj dana **29.10.2015.** godine, **d o n o s i:**

**Z A K L J U Č A K**

1. Da se u Zakonu o novčanim podsticajima u poljoprivredi i ruralnom razvoju Federacije BiH („Službene novine Federacije BiH“, broj: 42/10), doda novi član Zakona koji će obavezati Federalno ministarstvo poljoprivrede, vodoprivrede i šumarstva da se iz Budžeta Federacije BiH, za podsticaj poljoprivredi i ruralnom razvoju, za svaku kalendarsku godinu doznači 1,5 % od ukupnog iznosa sredstava planiranih za tu stavku, a da se navedena sredstva doznače u Budžet Bosansko- podrinjskog kantona Goražde, na ime podsticaja poljoprivrednoj proizvodnji i ruralnom razvoju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4266

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković

**1417**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **tridesetj** redovnoj sjednici, održanoj dana **29.10.2015.** godine, **d o n o s i:**

**Z A K L J U Č A K**

1. Prijedlog odluke o upravljanju, održavanju i razvoju ulica, lokalnih i nekategorisanih puteva na području Općine Goražde skida se sa dnevnog reda 30. redovne sjednice Vijeća. Prije nego se ova tačka dnevnog reda ponovo nađe na dnevnom redu sjednice Vijeća, potrebno je održati još jednu javnu raspravu uz obezbjeđenje prisustva predsjednika savjeta mjesnih zajednica.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-4267

Goražde, 29.10.2015. godine

**PREDSJEDAVAJUĆA VIJEĆA**

Jelena Mirković







**SADRŽAJ**

		<b>strana</b>
<b>1398</b>	<i>O D L U K U</i> <i>o odobravanju izgradnje zgrade socijalnog stanovanja na lokalitetu</i> <i>Rasadnik- Goražde</i>	<b>1201</b>
<b>1399</b>	<i>O D L U K U</i> <i>O STAMBENOM ZBRINJAVANJU POVRATNIKA PO OSNOVU</i> <i>SPORAZUMA O READMISIJI KROZ IMPLEMENTACIJU</i> <i>PROJEKTA "INTEGRIRANI PROGRAM PODRŠKE ZA REINTEGRACIJU</i> <i>POVRATNIKA PO OSNOVU SPORAZUMA O READMISIJI"</i>	<b>1201</b>
<b>1400</b>	<i>O D L U K U</i> <i>o izmjeni i dopuni Programa utroška novčanih sredstava prikupljenih</i> <i>prodajom poslovnih prostorija u vlasništvu Općine Goražde</i>	<b>1206</b>
<b>1401</b>	<i>RJEŠENJE</i> <i>O RAZRJEŠENJU PREDSJEDNIKA UPRAVNOG ODBORA JU DOM</i> <i>ZDRAVLJA «DR. ISAK SAMOKOVLJA» GORAŽDE</i>	<b>1207</b>
<b>1402</b>	<i>RJEŠENJE</i> <i>O KONAČNOM IMENOVANJU PREDSJEDNIKA UPRAVNOG ODBORA</i> <i>JU DOM ZDRAVLJA «DR. ISAK SAMOKOVLJA»</i> <i>GORAŽDE</i>	<b>1207</b>
<b>1403</b>	<i>RJEŠENJE</i> <i>O RAZRJEŠENJU ČLANA UPRAVNOG ODBORA JU DOM ZDRAVLJA</i> <i>«DR. ISAK SAMOKOVLJA» GORAŽDE</i>	<b>1207</b>
<b>1404</b>	<i>RJEŠENJE</i> <i>O KONAČNOM IMENOVANJU ČLANA UPRAVNOG ODBORA JU DOM</i> <i>ZDRAVLJA «DR. ISAK SAMOKOVLJA» GORAŽDE</i>	<b>1208</b>
<b>1405</b>	<i>ZAKLJUČCI</i>	<b>1208</b>

---

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa **GRAFOMERX** Goražde.